



*Selasa, 18 Juli 2023*  
**Ogen: Amos 1:9-10**



**“Maba Ku Pembuangan”**



**P**embuangan identik ras hukuman. Kalak si ibuang tentu melala penyebab engkai maka ia ibuangken. Banci jadi erkiteken kejahatan/kesalahan si ilakoken gelah arah ia ibuang banci ia robah; banci ka nge kalak ibuang erkiteken meneken jejak; banci ka nge kalak ibuangken erkiteken nembah ate kalak si muangkenca.

Pembuangan si isuratken erpalasken Amos 1:9-10, e me erkiteken anak kota Tirus la erngadi-ngadi erbahan dosa/kejahaten si la ngena ate Dibata, erkiteken perbahanen si la ngena ate Dibata emaka Dibata ngukumsa alu muangkenca ku negeri Edom. Kinilapatuhen bangsa e nandangi Undang-undang Dibata erbahanca bangsa e ipelawes arah kutana nari jenari nggeluh ia selaku kalak si la iperdiateken (diasingkan).

Jaman genduari enda pe melala hal si banci mabai kita bengket ku bas pembuangan. Umpamana: pola makan si kurang teratur bage pe pola istirahat si kurang teratur, pembuangan si ialoken kita eme kiniseran. Nggeluh i bas pembuangan e tertekan, la bebas, terasing, kurang datken keleng ate ras sidebanna. Adina nggo si eteh ras si angka maka kinilapatuhen e datken ukumen, marilah si sirangi lagu la mehuli e gelah la kita ibaba ku pembuangan.

Nabi Amos ningetken man bangsa Tuhan, gelah nggeluh ia ngikutken kerina perintah si isuratkanNa jenari ialokenna me keselamatan rikut pe ras keriahen. Emaka kalak si patuh nggeluh alu dame sedangken kalak si la patuh ndatken mara rikut pe ras kiniseran/ibaba ku pembuangan.